


嘉靖寧夏新志

地 5-10.1
275
#10:1-5



天一閣藏明代方志選刊

寧夏新志



一九六一年十二月上海古籍書店據寧波天一閣藏明嘉靖刻本景印原書版框高二一公分寬一五·六公分

重脩寧夏新誌序

寧夏鎮誌成於弘治辛酉歲作之者
郡人卽中胡公汝礪寔大中丞曹南
王公珣之意也嘉靖己亥歲守禮叨
撫其地暇日披圖閱誌因革損益殆
相矛盾遂作而嘆曰誌成不四十年
更易如是久而人亡事訛何以考證

寧夏新誌序

命督糧僉事孟公霖禮請刑科給事
中致仕郡人管公律重編不三月而
成因舊而新隨事而正政有關於大
體者不厭其煩事有益於軍民者備
記其實凡百家衆技之流舊制新設
之顛末綱分目悉且隨類附以不盡
之意該博之學經濟之才可以見矣



南澗子復作而嘆曰司馬遷以無罪廢而學發於史子美不見用於時而學發於詩古今文人之厄也管子其安命已夫特命刊木以傳嗚呼我

明億萬年無疆之休家有譜郡有志國有史人文兼備法制森然胡元不足言矣漢唐宋一統之盛無如今日繼

是而往作之者非一人成之者非一手先後同心共成良誌以備國史顧不美歟謹稽手頓首以贅於簡端云
嘉靖庚子歲秋八月吉旦

欽差巡撫寧夏地方都察院右副都御史晉蒲南澗子楊守禮識

寧夏新志序

志書一方之史也所以備紀載便覽使人得以觀感於前而興起於後關係攸大豈曰小補之哉寧夏當陝右西北三邊其一重鎮也遠在河外本古戎夷之地歷代來叛服不常入我

聖朝混一寰宇尺天寸土盡歸職方兵燹之後圖志無可考者宣德中

潘府慶靖王問學宏深好古博雅創編寧夏一志

到今七十餘年事多不悉蓋前無所傳後無所繼故耳弘治己未予奉

命巡撫是方經理邊備之餘考古遺蹟漫無足徵病之恒歎以爲缺典會鎮人地官即中胡公良弼丁外艱家居乃託之重爲纂脩胡公博學多識慨然考經史參舊志詢之稗官故老采以金石之文諸家之說古今事有關於地方者上而天文下而地理中而人物收錄無遺不逾年而成書爲類若干

爲目若干釐爲若干卷用心勤且勞矣予惟圖經
其來也遠周禮有職方圖漢有郡國志唐有十道
圖宋有九域志肆惟我

朝有大明一統志至於一省一郡一邑亦各有志是
知志者世之大典不可闕亦不可畧不闕不畧凡
沿革廢置可得而識山川地理可得而考風俗物
產可得而知城郭疆域藩封關隘橋梁軍壘祠廟
學校人物貞烈文獻官蹟事事物物亦可得而徵

且寧夏地方千里有中路有東路有西路雖古夷
域亦實雍州之地然自秦歷漢逮唐郡國其地舊
矣左黃河右賀蘭山川形勝魚鹽水利在在有之
人生其間家傑挺出後先相望者濟濟况今靈州
之建靖虜渠之開利邊亦博且遠矣誠今昔勝槩
之地塞北一小江南也圖志之作豈可少哉是志
也不傷煩不傷簡詳畧適宜去取攸當開卷一覽
寧夏千百年已然之迹殆不出戶庭瞭然於心目

間嗚呼盛典也嗣是而有作焉推廣附益使前有
傳而後有繼又不能無望於有道之君子

弘治十四年辛酉夏四月吉旦

賜進士第通議大夫都察院右副都御史曹南玉珣識

寧夏新志目錄

卷之一

寧夏總鎮 建置沿革 郡名 形勝

風俗 山川 關隘 邊防

水利 橋渡 街坊 物產

土貢 封建 王府 公署

五衛 南路守備 北路守備

卷之二

寧夏志卷一

壇壝祠祀 宮蹟 人物 選舉

武階 忠孝節義 技能 仙釋

祥異 寺觀 遊觀 景致

古蹟 俘捷 陵墓

卷之三

中路靈州 五馬驛遞 肅州

西路中衛 廣武營 鳴沙州

東路後衛 興武營 鐵柱泉

卷之四

沿革考證

卷之五

赫連夏考證

卷之六

拓跋夏考證

卷之七

寧夏文苑志詩

寧夏志卷

卷之八

寧夏文苑志文

委官百戶高選

膳錄生員

嚴禮 張錦


穆賓 周憲

張儒 姬世臣

識字呂調元



國朝混一寧夏境土之圖



北平

東北燕

沙漠

漠河套


西南抵



東南抵

界原回

延滋端

寧夏城圖





寧夏新志卷之一



賜進士出身奉議大夫戶部郎中鎮人胡汝礪 編

賜進士出身奉政大夫陝西按察司僉事中州李端澄 校

賜同進士出身徵仕郎刑科給事中門人管 律重脩

賜同進士出身奉政大夫陝西按察司僉事澤州孟 霖重校

寧夏總鎮東至省鬼墩外境二百里西至賀蘭山

外境一百里南至慶陽府界三百六十里北至西瓜山外境二百九十里東南至延綏界三百五十里西南至固原衛界四百里至京師三千六百四十里至南京三千八百四十里

建置沿革禹貢雍州之域天文井鬼分野以其居秦

之西偏兼得尾柳斗樞春秋時羗戎所居秦為上

郡地後匈奴並有之漢武帝元朔二年命衛青取

河南地為朔方郡後漢因之晉亦為朔方郡晉亂

姚興以赫連勃勃為安北將軍鎮朔方遂僭稱天

王建都於此後魏置夏州西魏置弘化郡後周改

懷遠郡隋開皇三年郡廢隸靈州為懷遠縣迄天

業復為朔方郡尋改為夏州或又為朔方郡屬關

內道領縣三唐隸靈州仍為懷遠縣貞觀三年拓跋赤辭以其地來歸賜姓李中和初拓跋思恭討黃巢有功復賜李姓鎮夏州世有其地宋貞宗景德間其五世孫德明款寨內附假以本道節制始自夏州遷懷遠鎮改為興州居之今之鎮城是也元吳陞州為興慶府又改為中興府遂為夏都興宋延慶涇原分界元太祖滅夏城遂空世祖立寧夏中興等路行尚書省又置寧夏路總管府成宗

并入甘肅行省元末復置行省國初立寧夏府洪武五年廢徙其民於陝西九年命長興侯耿炳文第耿忠為指揮立寧夏衛隸陝西都司徒五方之人實之後增寧夏前衛寧夏左屯右屯中屯為五衛尋并中屯於左右二衛為四衛洪武二十四年辛未封宗室慶藩自慶陽徙常州以居至三十五年辛巳徙寧夏置中護衛為扈從正德五年庚午改中護為中屯仍為五衛城寔德明所遷

之故址也週迴一十八里東西倍於南北相傳以
為人形元兵滅夏攻廢之已而修設省治元末寇
賊侵擾人不安居哈耳把台叅政以其難守棄其
西半脩築東偏高三丈五尺洪武初立衛因之正
統間以生齒繁衆復修築其西棄之半即今所謂
新城是也並甃以磚石故城四角皆剝削以示不
滿之意脩築歲久非其舊制今但存其東北一角
城門六東曰清和上建清和樓西曰鎮遠上建鎮
遠樓南曰南薰上建南薰樓南薰之西曰光化上
建光化樓北曰德勝上建德勝樓德勝之西曰振
武上建振武樓樓皆壯麗其在四角者尤雄偉工
絕池濶十丈水四時不竭產魚鮮菰蒲

郡名

朔方

漢名唐皇甫冉送太常大夫散騎常侍
赴朔方詩故壘烟塵促新軍河塞間金

貂寵漢將王節度蕭關散漫沙中雪依
稀漢口山人知寶車騎計日勒銘還

懷遠後周名

賀蘭

以山名

西夏

夏國舊稱巡撫都御史南澗楊公
守禮詩夷夏中分此地雄河山千

里鎮西東前朝水利崇民利盛代文風變虜風遠
近戍樓烽火競往來征馬古今同何時迅掃胡塵

淨勒石燕
然第一功

形勝 背名山而面洪流左河津而右重塞

赫連夏
京都頌

左距豐勝右帶蘭會舊志黃河遶其東賀蘭登其西

西北以山為固東南以河為險俱一統志黃河襟帶東

南賀蘭蹲踞西北靖王八景詩序背山面河四塞險固大學

士彭時儒學記西據賀蘭之雄東據黃河之險吏部尚書
桂萼天下

圖本論按本論謂陝西三邊惟寧夏西據賀蘭之
雄東據黃河之險其為備也甚易此但論其形勝

爾近年以來虜浮洪濤而西渡視黃河猶坦途逐
水草而轉徙依賀蘭為窟穴東西戒嚴無時少緩

寧夏志卷一

四

為備實難於諸邊必如時所謂背山面河四塞險
固中國有之足以禦外夷竊之足以抗中國

其確論於茲曰為備也甚易是忽之矣忽之則患
將至矣患至而思弭之又孰其為力耶故曰守在

德不在險兵部員外郎駱用卿詩塞北江南幾
今古登臨風物落詩邊山長西北雲藏寺河曲東

南水接天元吳霸圖唯破碣赫連荒壘只秋烟今
逢四海為家日笑聽牌樓起誦絃又有山形西限

今夷夏渠利中分古漢唐之句提學副使李遜
學詩一帶山河萬里墻華夷天限隔封疆樓高有

客籌邊計戈偃無人吊戰場壁壘春深抽草莽關
原日落下牛羊我來幸遇昇平樂倚馬尋詩遍朔

方

風俗 篤信機鬼尚詛呪宋史夏疆梗尚氣重然諾

敢戰鬪

金史夏國贊

雜五方尚詩書攻詞翰

舊志重耕牧

開禮義

新志

競財用以浮費漸耗然少食則餒無食則

斃茲以五穀糶販而為之害有益作無益實非邊

鎮所宜巡撫都御史楊守禮惡其滴薄而深憂遠

山川 賀蘭山

在城西六十里峯巒蒼翠崖壁險削延亘五百餘里邊防倚以為固上有

顏寺百餘所并元吳故宮遺址自來為居人畋獵

樵牧之場弘治八年醜虜為患遂奏禁之然未禁

之前其患尚少既禁之後而患愈多何也蓋樵牧

之人依窮巖絕壁結草廬畜鷄犬虜騎乘夜而入

鷄犬鳴吠達於瞭臺烽砲即舉每每兵至山麓虜

方進境扼之無所掠矣或聞砲即回禁後止以瞭

臺為恃風雨晦冥耳目皆所不及往往獲利出境

始覺是故患益滋矣說者或謂林木採盡恐通入

寇之路殊不知木皆產於懸崖峻嶺之間非虜騎

之所至者使林木可以遏寇豈特嚴於禁止尤宜

勤於栽植唐韋蟾送盧藩詩賀蘭山下果園成

塞北江南舊有名水木萬象朱戶暗弓刀千騎鐵

衣明心源落落堪為將膽氣堂堂合用兵却使六

蕃諸子弟馬前不信是書生元貢泰父蘭山圖

不寧夏志卷一

五

莎羅模山

使君坐對蘭山圖不數江南衆山綠

城西南一百里近賀蘭山之靈武口

水自地湧出舊有龍王祠禱旱多應

百四十里兩山相夾黃河經其間古名青銅峽有

古塔一百八宋張舜民詩青銅峽裏常州路十

去從軍九不回白骨似沙省崑山城東北一百四